

禁約攀指賊情

成化十九年六月十三日刑部會議該漂陽縣主簿劉鼎言件
明賊情見得各處有強盜劫人財物奸淫婦女殺傷等情事緝
獲追究原盜失主被伊花廢無存其各賊多將同行上盜其情
隱匿在外移下幫貼盤費却將舊有仇恨良善之人乘機妄
攀在內拘拿到官鞠問或指稱同謀打劫或稱窩主得財百端
裝誣官司一時不能窮其實情止憑攀指之詞一槩混同考訊况
良善受刑不過含冤屈從虛招在官被害之人累訴冤枉即便
分辯因而從誣致死含屈無伸臣思強盜得財不分首從并窩主
分贓俱係重情所犯者決不待時良善之人有被仇不能辨理牽
連負累身死者有聞知攀指畏懼趙楚全家在逃者動輒數
年卷無杜絕連綿差人緝拿致死平民一槩經疑經年不得安生
者拋撒鄉土將帶父母妻子逃竄在外衣食不給與人傭工乞

化者有凍餓身死不能還其本鄉者有將女就彼典賣與人為奴婢者有帶妻女不能養贍縱容敗倫傷化者中間多被仇陷轉加得計且如應天府漂陽縣民強洪強方被強盜梅士成等仇攀在官後蒙巡按御史辯出直情釋放寧子家雖然辯出受害何辜深為可憐乞

勅法司轉行各處鎮守巡撫巡按并布都按三司南北直隸府州縣出榜嚴加禁約今後右有所獲強盜除見發正犯贓仗明白問罪右有指攀者務要設法察情密切緝訪審勘排年親隣人等要見彼攀之人平昔在鄉作何生理是否為盜取具重甘結狀方可拘拿治罪不許朦朧混拿止理見獲賊犯不許展轉攀指庶使賊情得以明辯良善不冤枉前件議行巡撫御史等官禁約奉
聖旨照例欽此

處決重囚於白晝行例

弘治元年十月初六日該刑科給事中陳瑄等題為乞讀

明降事切惟

朝廷設有死刑非惟所以好殺蓋欲使人心畏懼

國法不軟輕犯近來處決重囚午後

命下押赴市曹日已及申矣有鼓下稱冤者直鼓行決囚官例該

與進本狀請

旨生復之間夜半方行刑況其間有該梟首者有止該斬絞者燈火之下喧雜混淆恐致差誤及重刑臨決之時有狀告冤枉者又有口稱冤枉者口詞轉換難以備錄伏乞

聖明裁處處決重囚該科三覆具奏

朝罷特得

旨決囚官庶可於午後處決使人於白晝共觀更相傳告寒心破膽